

# Comisiynydd Plant Cymru Children's Commissioner for Wales

Sally Holland

Drwy e-bost.

29 Ionawr 2016

Annwyl Ann Jones

## **Bywyd mewn Gofal Preswyl: archwilio profiadau plant a phobl ifanc o Gymru sy'n derbyn gofal**

Rwy'n ysgrifennu i roi gwybod i chi am fy mwriad i adrodd am brofiadau plant a phobl ifanc sy'n derbyn gofal mewn cartrefi gofal preswyl, yn unol â'm cylch gorchwyl sy'n deillio o Ddeddf Safonau Gofal 2000 a Deddf a Rheoliadau Comisiynydd Plant Cymru 2001. Bydda i'n edrych ar brofiadau plant a phobl ifanc o gael eu lleoli mewn gofal preswyl, er mwyn ystyried pa mor effeithiol yw'r lleoliadau hynny o ran diogelu a hyrwyddo hawliau a llesiant plant a phobl ifanc.

Nodau ar gyfer y prosiect:

Galluogi plant a phobl ifanc o Gymru sy'n byw mewn gofal preswyl i rannu eu profiadau o'r gofal maen nhw'n ei dderbyn; ac

Archwilio hawliau plant a phobl ifanc sydd mewn gofal preswyl, a'u persbectif o ran sut mae'r rheiny'n cael eu gwireddu, gan gynnwys:

Cyfranogiad: sut mae plant a phobl ifanc yn rhan o'r broses o wneud penderfyniadau am eu cynlluniau gofal, yn ogystal â phenderfyniadau pob dydd ynghylch eu bywydau ac o fewn eu cartref;

Amddiffyniad: sut mae plant a phobl ifanc yn cael eu cadw'n ddiogel wrth fyw mewn gofal preswyl; a

Darpariaeth: digonolrwydd y ddarpariaeth mewn gofal preswyl, gan gynnwys cynllunio ar gyfer annibyniaeth, mynediad i wasanaethau addysg a iechyd, ymyriadau therapiwtig a gweithgareddau diwylliannol a hamdden.

Cynhelir y prosiect gan ddefnyddio'r dulliau canlynol:

Cyfarfod cyfnod ymgynghori cychwynnol gyda nifer fawr o randdeiliaid allweddol, gan gynnwys pobl ifanc a gweithwyr proffesiynol, er mwyn nodi'r prif faterion hawliau mae pobl ifanc mewn gofal preswyl yn eu hwynebu. (Cynhaliwyd y cyfnod hwn yn ystod ail hanner 2015).

Cwrdd â rhyw 50 o blant a phobl ifanc sy'n byw mewn amrywiaeth o leoliadau gofal preswyl ledled Cymru a gwranddo ar eu profiadau. Gall hyn gynnwys hefyd blant a phobl ifanc o Gymru sy'n byw mewn cartrefi yn Lloegr. Cyfnewid tystiolaeth gyda rhanddeiliaid allweddol er mwyn cyfuno themâu a materion sy'n codi.

-2-

Ar ben hynny, bydd y prosiect yn cael ei lywio gan astudiaethau meintiol sy'n parhau ar dueddiadau a phatrymau lleoliadau, gan gynnwys dadansoddiadau gan AGGCC, CASCADE a'r Cyngor Gofal. Mae eu gwaith yn cynnwys rhoi sylw i niferoedd y plant sy'n derbyn gofal a'u taith o ran lleoliad, gan ystyried y gweithlu gofal preswyl.

Ni fydd y prosiect yn cynnwys y canlynol –

Lleoliadau seibiant

Lleoliadau mewn sefydliadau diogel

Lleoliadau mewn ysgol breswyl (trefniadau addysg yn hytrach na lleoliadau gofal cymdeithasol)

Bydd tîm y prosiect yn dethol sampl eang o gartrefi i ymweld â nhw, ar sail gwybodaeth a ddarparwyd gan AGGCC am yr holl gartrefi plant cofrestredig, er mwyn sicrhau bod yr ymchwil yn cynnwys ystod eang o ddarpariaeth a safbwyntiau. Gwahoddir cartrefi gofal preswyl yn uniongyrchol, a gofynnir iddyn nhw gadarnhau a yw'r bobl ifanc sydd wedi'u lleoli yno yn barod i ymgysylltu â'r prosiect. Rhennir gwybodaeth ysgrifenedig gyda'r plant, y bobl ifanc a'r cartrefi preswyl i'w helpu i wneud penderfyniadau.

Cynhelir y cyfweiliadau gyda phlant a phobl ifanc mewn grwpiau neu'n unigol, fel y dymunir, gan ddilyn fformat safonol, strwythuredig. Mae gan yr holl staff sy'n ymwneud â'r prosiect wiriad GDG manwl, a phrofiad o weithio gyda phlant a phobl ifanc a gwrando ar eu barn. Bydd y gwaith maes yn digwydd yn ystod chwarter cyntaf 2016, gyda'r cyfnewid tystiolaeth yn dilyn. Cyhoeddir adroddiad ar y canfyddiadau yn ddiweddarach yn 2016.

Diolch i chi ymlaen llaw am eich cydweithrediad a'ch ymroddiad. Cysylltwch â'm swyddfa os bydd angen rhagor o wybodaeth arnoch chi, ac os byddwch chi am drafod y gwaith yma.

Yn gywir



**Sally Holland**  
**Comisiynydd Plant Cymru**